



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/1007
Data e Vendimit: 15.12.2023

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik “Adnan A. Bala” B.I., lidhur me aktivitetin e prokurimit “Furnizim me pajisje stomatologjike për nevojat e KPSH-së” me numër të prokurimit 622-23-13180-1-2-1, iniciuar nga autoriteti kontraktues (AK) – “Kuvendi Komunal i Prizrenit”, Kryetarja e Organit Shqyrtues të Prokurimit Vjosa Gradinaj Mexhuani me 15/12/2023, mori këtë:

Vendim

Hedhet si e palejuar, ankesa e OE “Adnan A. Bala” B.I., me nr. të protokollit 2023/1007, e datës 11/12/2023, ankesë kjo e parashtruar për aktivitetin e prokurimit “Furnizim me pajisje stomatologjike për nevojat e KPSH-së”, me numër të prokurimit 622-23-13180-1-2-1, inicuar nga autoriteti kontraktues (AK) – “Kuvendi Komunal i Prizrenit”.

I lejohet, autoritetit kontraktues – “Kuvendi Komunal i Prizrenit” që të vazhdojë më tutje me aktivitetin e prokurimit “Furnizim me pajisje stomatologjike për nevojat e KPSH-së”, me numër të prokurimit 622-23-13180-1-2-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Arsyetim

-Faktet dhe rrethanat procedurale-

Organi Shqyrtues i Prokurimit në sistemin elektronik me datë 11.12.2023, ka pranuar ankesën me Nr. Protokolli 1007/23 nga OE “Adnan A. Bala” B.I., lidhur me aktivitetin e prokurimit me titull: “Furnizim me pajisje stomatologjike për nevojat e KPSH-së” me numër të prokurimit 622-23-13180-1-2-1, inicuar “Kuvendi Komunal i Prizrenit” në cilësinë e Autoriteti Kontraktues.

Me 23.11.2023, “Kuvendi Komunal i Prizrenit” në cilësinë e Autoritetit Kontraktues ka publikuar B05-Njoftimin për kontratë .

Me 09.12.2023 OE “Adnan A. Bala” B.I., kishte bërë kërkesë për rishqyrtim pranë AK-së. Ndërsa me datë 11.12.2023 AK ka refuzuar kërkesën për rishqyrtim të operatorit ekonomik si të pa bazuar, me arsyetimin se ka parashtruar kërkesë për rishqyrtim në ditën e vikendit me datë 09.12.2023 15:43 (e shtunë) Dita e parë e punës është 11/12/2023 dhe kjo datë është 3 ditë para hapjes së ofertave.

- Vlerësimi dhe administrimi i provave –

Nga provat e prezantuara vërtetohet se për aktivitetin e prokurimit “Furnizim me pajisje stomatologjike për nevojat e KPSH-së” me numër të prokurimit 622-23-13180-1-2-1, inicuar nga “Kuvendi Komunal i Prizrenit”, njoftimi për kontratë është publikuar në sistemin e-prokurimi me datë 23.11.2023, afati i fundit për pranim të tenderëve ishte data 14.12.2023. Ndërsa me datë 09.12.2023 OE “Adnan A. Bala” B.I., kishte bërë kërkesë për rishqyrtim pranë AK-së. Autoriteti Kontraktues me datën 11.12.2023 ka refuzuar kërkesën për rishqyrtim të operatorit ekonomik si të jashtafatshme. Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtroj kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së. Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzoj tek autoriteti përkatës kontraktues: *në qoftë se shkëlja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave*. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: *Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0).*

Andaj nga provat e prezantuara dhe rrjedha e këtij aktiviteti të prokurimit konstatohet se ankesa e parashtruar në Organin Shqyrtues të Prokurimit me datë 11/12/2023 nga OE “Adnan A. Bala” B.I., për aktivitetin e prokurimit me titull: “Furnizim me pajisje stomatologjike për nevojat e KPSH-së” me numër të prokurimit 622-23-13180-1-2-1 inicuar nga “Kuvendi Komunal i Prizrenit”, hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues. Andaj Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së Si përfundim kjo ankesë është në kundërshtim me nenin 108/A të Ligjit për Prokurim Publik, dhe nenit 60 të Rregullores 001/2022

për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP.

Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriterëve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veproj konform dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP..

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

- **AK - KUVENDI KOMUNAL I PRIZRENIT**
- **OE - Adnan A. Bala B.I.**
- Arkivës së OSHP-së: